

درس : " رب اغفر لي " | د. خالد أبوشادي

خالد أبو شادي

احنا ما زلنا نتحدث حول الصلاة والنهارة هنتكلم عن آآ الجلسة بين السجدين الجلوس بين السجود ثم القيام من السجود في هذه الجلسة آآ كان النبي صلى الله عليه وسلم آآ يقول في هذه الجلسة - [00:00:04](#)

رب اغفر لي رب اغفر لي رب اغفر لي. وآآ في حديث ثاني ربي اغفر لي وارحمني قفني واهدني وارزقني فالدعاء بالمغفرة هو الدعاء الاساسي في في هذه الجلسة ان الواحد بيدعو ربنا سبحانه وتعالى بالمغفرة. وابن القيم كان يقول ايه؟ ان اكن الواحد بالزبط بيقدّم - [00:00:31](#)

الى من جنى في حقه او اجرم في حقه فيجلس بين يديه مستعدا الى ان تقطع رأسه فيما جنى على الله سبحانه وتعالى. هذه الجناية التي جناها يستحق عليها ان يقتل - [00:01:02](#)

وهذا الذنب الذي وهذه المعصية التي قام بها في مواجهتها يعني ربنا عليه يستحق ان يقتل فيجلس هذه الجلسة وكانها يقدم للقتل ثم يدعو الله سبحانه وتعالى يقول ربي اغفر لي ربي اغفر لي ربي اغفر لي. احنا النهارة هنتكلم عن المغفرة. وھنتكلم عن الغفور - [00:01:26](#)

وھنتكلم عن اھ سيد الاستغفار. وھنتكلم عن معنى المغفرة. وھنتكلم عن اسباب المغفرة. وھنتكلم عن ارجى اية في كتاب الله وآآ الهدف في الاخر ان احنا نصل بالفعل الى ان - [00:01:46](#)

يغفر الله لنا هذه الذنوب. الانسان مش ممكن هيمتنع عن الذنوب لانه خطاء وآآ اللي ربنا سبحانه كتبه علينا انه المعاصي اذا زادت ورجحت كفة السيئات عن كفة الحسنات. الانسان سيعذب - [00:02:05](#)

لحظة الموت اول ما يموت سيئاته قد ايه وحسناته قد ايه؟ لو سيئاته اكثر سيعذب ربنا بيكفر بيكفر عن انسان بالام الاحتضار الحديث الصحيح عن النبي صلى الله عليه وسلم يقول - [00:02:27](#)

المؤمن يموت بعرق الجبين وهو ييموت بيتألم الم شديد حتى يعرق وهذه الآلام مقصودة ان يكفر الله بها عن سيئات هذا العبد وكأنه يطهر. يطهر قبل ان فيبتلى الانسان حتى بالام الموت تكفر بعضا من سيئاته. فاذا مات الانسان ولا زالت سيئاته - [00:02:50](#)

اكثر سيعذب. يعذب بهذا المقدار في قبره. طيب عشان احنا ننجو عايزين ربنا سبحانه وتعالى يمسح ويمحو هذه الايام؟ الايام. او يغفر هذه الايام. المغفرة غفر ستر حتى الايه؟ يقول لك ايه اھ دخلت حلق المغفر في وجه النبي صلى الله عليه وسلم في غزوة احد. اللي بيغفر اللي هو ايه - [00:03:23](#)

الخوذة التي يغطي بها الفارس رأسه ده يسمى المغفر لانهم يستروا الرأس. فالستر ربنا سبحانه وتعالى لما بيغفر يعني يستر. واذا ستر الله على العبد فقد اراد ان يتوب عليه. وعشان كده اي حد بيتفضح - [00:03:53](#)

في مصيبة ولا في معصية؟ اما بيتفضح تعرف انه ايه؟ انه هتك الستر الذي بينه وبين الله سبحانه وتعالى. وان ربنا ادى له مرة واثنين وثلاثة واربعة وخمسة فرص غفر له وستر عليه وهو باصراره فيقول لك ايه؟ الحرامي - [00:04:14](#)

ما بيتمسكش من اول مرة الحرامي ما بيلبسوش من اول مرة. هو عمل المعصية دي ويكررها اكثر من مرة؟ وربنا ستر عليه مرة واثنين وثلاثة واما اتفضح خلاص كان قد هتك كل الاستار التي بينها وبين الله. حديث مسند احمد وان كان بعض العلماء ضعاف الحديث - [00:04:34](#)

ان الله يعني آآ اذا اذنب العبد ذنبا ثم تاب رد الله عليه ستره ومعه تسعة استار يعني عمل معصية وان استغفر وتاب يبقى ربنا ايه يدي

له كمان تسع فرص يستره فيهم - 00:04:56

طب افرض قعد يعمل معصية ثاني وما استغفرش وما تابش. تقوم تقول استار سترا بعد ستر فاذا ستر الله عبده فهذا ان شاء الله

دليل على ان ربنا هيمسح الذنب ده ويغفره. طيب كان بعض - 00:05:17

بعض السلف يقول يدعو ويقول اللهم استرني واجعل تحت الستر ما تحب لان ممكن واحد يبقى مستور بس ايه عامل معاصي كثيرة.

فنقول اللهم استرهم واجعل واجعل تحت الستر ما تحب - 00:05:36

الغفور صفة من صفات الله تعالى جت في القرآن اتنين وسبعين مرة وهي صيغة مبالغة من المغفرة. يعني مش ربنا بس بيسامحك

هيمحو عنك لا. ده الغفور دي صيغة مبالغة كما - 00:05:56

كما وكيفا يعني ايه؟ كما يعني انت مهما عملت من سيئات الاف ملايين مليارات يغفرها لك ولو تكررت نفس الزنب تكرر ربنا يسامحك

عليه. كم واحد فينا ما بيصليش الفجر؟ وبعد ما صلاش الفجر يقول لك - 00:06:15

ان شاء الله بكرة هصلي الفجر وبعدين يتوب وبعدين تروح عليه نومة وما يصليش الفجر بقى. وبعدين يقعد فترة يصلي وبعدين

نفس الزنب بيتكرر فالله لانه هو الغفور يغفر هذا الذنب مهما تكرر. ذنوب كثيرة جدا يغفرها. ويغفر صيغة المبالغة برضك الغفور يعني

- 00:06:39

يغفر الذنوب الكبائر الكبائر ومش بس كده ده كمان اللي يستبعد عن ربنا سبحانه انه يغفر هيروح في داهية من الكبائر القنوط من

رحمة الله ومن الكبائر تئس الناس من رحمة الله - 00:07:02

قلنا كده في الحديث ان رجلا قال للرجل والله لا يغفر الله لفلان فقال الله تعالى من ذا الذي يتألى عليه قد غفرت له واحبطت عملك.

ما فيش حد ولا يزعم ان ربنا ما يقدرش يغفر لاحد. لو لو دعا لو دعا هذا فكأنه يتهم رحمة الله انها تعجز عن - 00:07:24

ان تغفر وهذا اتهام لله في قدرته تعالى الله عن ذلك. يبقى الواحد ربنا غفور يغفر الذنوب ما كثرت ومهما عظمت ومهما تكررت اول

دعاء هنحفظه النهاردة. مين بيسمع؟ ومين بيكتب؟ ومين بيحفظ؟ ومين بيعمل - 00:07:47

باللي انا هقوله ده ما احنا مش عايزين نبقي ايه؟ سميعا. مش سميع له اصلا بعد شوية هيناموا وبعدين هيشخروا فالتائم مش هعرف

اكمل الدرس. فلانم ناخذ الكلام عشان نعمل ايه؟ نعمل به ايه - 00:08:12

احنا قلنا المرة اللي فاتت مراتب العلم كم مين اللي كان حاضر معنا؟ مين اللي كان نايم المرة اللي فاتت ومين كان صاحي؟ مين قال

الكلمة دي اصلا؟ من قائل هذه الكلمة؟ قرات العلم خمسة - 00:08:30

قام هو بيسمع ده ما بيكتبش ما هو بيحفظ الناس ده ما بيكتبش. اللي بيحضر الدرس وما بيكتبش اكنه ما حضروش. ليه؟ هو

اسبوعين يقول لك كان في درس كده واحد اسمه خالد عبدالسلام باين ولا اسمه اسمه ايه؟ كان - 00:08:45

جامع اسمه الارقم اه. لو افكر اسم الدرس يبقى كويس جدا. عشان عشان يفتكر لازم يعمل ايه؟ يكتب ويكتب برة لبانية تانية يكتب

ان هو عشان يحفز ويحفز ان هو يبلغ احنا قلنا عرفات العلم اول حاجة - 00:09:04

الاخلاص الفهم الحفز العمل التعليم اهو ده بقى راجل مزاكر عشان اللي عشان كادب. ما هو لو مش كاتب خلاص الزهايمر منتشر في

البلد دلوقتي ما حدش هيفتكر حاجة انت بتحفظ بقيت انت ايه؟ تبلغ - 00:09:25

وحتى في التدريب يقول لك كده يقول لك عشان تنقل المعلومة اصلا لحد ما بيقول لك مش هينفع تنقل المعلومة لحد هتنساها. لازم

اول حاجة تعمل ايه؟ تنقلها لغيرك عشان تفتكرها - 00:09:45

درهم وتفتكرها فهتعمل بها. ما هو انت لو نسيتها لو ذهنتك نساها مش هتعمل بها. انما انت عايز تحفظها تحفظها لسانك وبعقلك ثم

تعمل بها اول حاجة هناخدنا مرة عملية هو دعاء النبي صلى الله عليه وسلم. دعاء مأثور. هتفظوه كلكم. ما حدش يخرج من

الجامع - 00:09:55

غير هو حافظه هنقدر نحفره؟ ده سطرين قاء سطرين. اللهم اني ظلمت نفسي ظلما كثيرا ولا يغفر الذنوب الا انت فاغفر لي مغفرة

من عندك وارحمني انك انت الغفور الرحيم. مين يسمع - 00:10:20

نقول ثاني اللهم اني ظلمت نفسي ظلما كثيرا ولا يغفر الذنوب الا انت. فاغفر لي مغفرة من عندك وارحمني انك انت الغفور الرحيم
مين يسمع اختاره ولا حد يرفع ايده - [00:10:45](#)

هيقول مرة تالته وركزوا بقى. يعني اللهم اني ظلمت نفسي ظلما كثيرا ولا يغفر الذنوب الا انت فاغفر لي مغفرة من عندك وارحمني
انك انت الغفور الرحيم. قم يا حزيمة قل - [00:11:09](#)

فاغفر لي وارحمني فاغفر لي وارجع ثاني ثاني قل. كسيرا ولا يغفر الذنوب ايضا. ممتاز مين ثاني مم ما فيش حد كتب حاجة؟
برشامة كده ولا ايه؟ ما فيش. ها - [00:11:30](#)

فاغفر لي مفرحا من عندك وارحمني. انك انت الغفور الرحيم التالت سهل بقى ما في اتنين قالوا كده. ها ولا يخرج من البلاد معسرة
من عندك وارحمني انك انت الغفور الرحيم. طيب طبعا الامام الشعبي لو كان شافكم كان طردكم كلكم من الجامع. لانه - [00:12:00](#)
ولانه كان يحفظ قال والله ما كتبت سوداء في بيضاء قط. يعني ايه ما يعني ايه يعني ايه ما كتبت سوداء في بيضاء قط عمره ما
كتب عمره عمره في حياته ما كتبه. اومال كان ايه - [00:12:38](#)

كان بيحفظ وابغض ما اكره الشعر كان بيكره الشعر جدا ولو شئتم لحدثكم منه شهرا. ما كنش بيحب الشعر بس كان ايه حظه بقى انه
كان بيسمع فاما يسمع مش عايز يحفظ. بس لما كان بيحفظ كان ايه؟ وهؤلاء ربنا سبحانه وتعالى قدر الله لهم ان هم يحفظوا الاسلام
حقيقة لانه - [00:13:00](#)

لان حفظ الاحاديث ده كان عايز موهبة خاصة. ما كان يحط ايده على الصفحة الشمال عشان ما لانه لو عينيه لقطت الصفحة الثانية
هيتلغبط هو بيحط كده عشان يحفز بس يقرا دي فكان هؤلاء سخرهم الله عز وجل لحفظ حديث النبي صلى الله عليه وسلم -
[00:13:28](#)

عايزين نحفظ الحديث ده نحفزو وبعدين نعمل بيه اللهم اني ظلما كثيرا ولا انت فاغفر لي مفرج من عندك وارحمني انك انت الغفور
الرحيم انا هقول حاجة مهمة برضك في النقطة دي الحقيقة لسه كان في اخ بيكلمني قبل صلاة العشاء يعني - [00:13:47](#)
الحقيقة مستوانا في العبادة والطاعة عبارة عن ايه؟ لو عملنا رسم بياني كده هتلاقيه طالع وصل لوضع معينة كده امتى؟ رمضان بقى
والعمرة بقى والحج ابوك مات مسلا فايه بقيت انت قريب من ربنا قوي واحد صاحبك قوي مات في حادثة فعملت له خاتمة تلاقي
الكرت طلع فوق - [00:14:07](#)

امال زي ايه؟ بينزل. ينزل وبعدين في ناس بقى ايه الموضوع طالع نازل طالع نازل يقول لك لسه الشيخ هاني حلمي وما فيش فايدة
ورحت مش عارف فين والمقابر ومت ورحت طيب - [00:14:37](#)

نعمل ايه نعمل ايه حاجة مهمة جدا. لازم الواحد يبقى عنده مقياس يقيس به ايمانه وهو طالع ولا نازل اه النهاردة حاسس ان انا
ايماني بيزداد او بدأت انزل النزول ده هيوصل لنقطة اللي هي عند الخط اللي هو ايه؟ بتاع الرسم البيه دوت - [00:15:00](#)
الصفرة الصفرة ده اللي هو ايه؟ ان هو ده بقى ايه؟ لسه بدأت انقطع عن العبادة والطاعة ما بيعملش حاجة. مستوى العبادات بتاعي
وصل صفر لسه بصلي من فرائض وكده انما ايه النوافل ضيعتها وبعدين هنزل بقى ايه تحت الصفر اللي هو ايه بقى تحت الصفر ده -
[00:15:29](#)

ايه تحت الصفر ده اللي هي ايه؟ ما تتكلموا. ايه ده تضيع الفروض صحيح المعاصي الصفر ده اللي هو دخلنا على ما فيش طعم
تحت الصفر ودخلنا في المعصية. وقوع المعصية ده بقى المصيبة بقى - [00:15:52](#)

احنا كده ممكن ندخل تحت والوقوع ده في في اشكالية ان الواحد لو وقع في المعصية ممكن ما يعرفش يرجع. طيب يعمل ايه بقى
الانسان الصالح اول ما يلاقي نفسه بينزل يبقى عامل يفتح الدرج بتاع السفارة ويطلع الورقة - [00:16:15](#)

اللي مكتوب فيها خطة الانقاذ السريع ايه خلطة الانقاذ السريعة واحد ايمانه بيضعف وبيتذبذب وهيقع في الحرام يعمل بقى خطة
الانقاذ. هو عارفها. كل واحد فينا فيه طاعة من الطاعات ممكن يعملها تأثر فيها اكثر من غيرها. في واحد ممكن يصلي ركعتين -

[00:16:39](#)

واحد يروح يزور المقابر واحد يقرأ صفحة من القرآن وواحد يروح مستشفى واحد يقعد في مسجد يحضر درس ايماني لازم يعرف ايه اللي يستطيع ان هو يزور اخ هيعرفه وينصح ايه اللي ممكن يعمل ايه يزيد به الايمان. ابن الجوزي شرح الكلمة دي في عبارة رائعة - [00:17:04](#)

قال يا ابن ادم قد نفذ الزيت فاستدرك ذبالة المصباح بيحب يضربه. السحرية للفلاحين لمبة الجاز بيتحط فيها جاز وتقعند منورة. اول ما يحصل ايه في الشعلة بتعمل ايه؟ بتقل وبعدين؟ لا اللي بيتكلم نزي ده عايزين واحد من الفلاحين. اما تقل قوي - [00:17:31](#) ايه تطلع هباب تهب صح؟ بتطلع هباب بتطلع الفتيرة بتتحرق وبعدين تبرش وقالوا ايه في الطفل صح؟ صح؟ طيب الكلام ده بيحصل مع الانسان فينا بيحصل ازاى؟ الزيت قل او العبادة قلت او الطاعة قلت او الايمان قلت تلاقي الاخ نوره بدأ يقل - [00:18:08](#) وشه يتغير وبهاء الطاعة الذي كان يكسو وجهه يقل. وبعدين يبدأ دب يطلع سواد السواد ده اشارة للايه؟ من المعصية. وبتخانق مع الناس الصالحين يبقى السنت اللي كان عليه كويس يتغير. وبعدين يبرش تهتز طاعته وبعدين يطفي قلبه يموت - [00:18:46](#) والحل ايه عشان السعريه ما تتطفئ وللمبة الجهاز ما تطفئش نعمل ايه؟ نزودها نزودها ايه جاز او القلب تزوجه ايه؟ طاعة. مين بقى اللي عنده ايمان وميتتر؟ يعرف الامام بتاعه بدأ يخلص - [00:19:16](#)

فبدأ يزوده. في ناس اصلا ما بتحسبش. في ناس ما بتعدهش. فبالتالي مش بيقيس اللي في قلبه ايه؟ ما بيئسش. هو ماشي كده لا الانسان المؤمن يقيس ايمانه. استشعر وعنده اشارات. الله! اذا افتقدنا الرجل في - [00:19:39](#) في صلاة الفجر والعشاء اسعد به الظن ويقول الحق. الحق الحق ده انا مش عارف احافز على الطاعات بتاعتي ده انا بقع في المعصية بسهولة ده يبقى لوحدي بقع في المعصية وانا اصلا اقاوم. كل الحاجات دي تدي اشارات انا انا في مرحلة فتور انا ايماني بينزل - [00:20:01](#)

استدرك زملاء المصلحة دي الحق حط طاعة طاعة دي ممكن تبقى صفحة من القرآن دي اقرأها. ده استغفار ممكن تبقى صلاة على النبي صلى الله عليه وسلم. فدخل سيدنا يحضروا - [00:20:21](#) لو ما حضرش الدرس ده قلبه هيموت. ولو قلبه مات صعب قوي يصحى. صعب جدا. القلوب المريضة قد قد تعالج القلوب القاسية صعب عايزة صدمة عايزة له الزلعة ما بيعتبروش بمصر على الزالمين اللي زيهم؟ لان الظلم من شؤمه ان يعمي الابصار - [00:20:31](#) ان يعمي البصائر. يبقى احنا عايزين ايه؟ نستدرك. والاستدراك بتاعنا منه ان احنا نحفظ اللهم اني ظلمت نفسي ظلما كثيرا ولا في الذنوب الا ان يغفر لي مغفرة من يملك وارحمي انك انت الغفور الرحيم. صليتوا كده على النبي؟ طيب المغفرة دي لمين - [00:20:56](#) ربنا سبحانه وتعالى في القرآن بيقول لنا واني لغفار لمن تاب وامن وعمل صالحا ثم اهتدى. وانا هتكلم النهاردة مع اية تاخدها فادي وهناخد بعد كده اسباب المغفرة واخرها هيبقى سبب الاستغفار. يعني هناخد الاية دي - [00:21:16](#) وهناخد اسباب المغفرة ايه الاحاديث اللي بتخليها ربنا يغفر لنا. وهناخد سيد الاستغفار باعتباره ان هو اخر عمل آآ يؤدي بالعبد الى المغفرة الاية ايه؟ سورة بيسموها ارجى اية في كتاب الله. اكثر اية طبعها الرجاء. ايه بقى - [00:21:39](#) يا ابي الله يفتح عليك قل يا عبادي الذين اسرفوا على انفسهم لا تقنطوا من رحمة الله. هذه اية البشريات السبعة انا بسميها كده ليه؟ اول اول بشري. يا عبادي - [00:22:03](#)

آآ دي بشارة. انت مسلا ايه واحد انت مسلا ايه آآ الاعلى ولا اتخانق معك وبعدين جه حاسبك فيقول لك يا حبيبي تعمل كده ليه؟ قال لك يا حبيبي يبقى ايه - [00:22:30](#)

ما فيش ضرب اهو يعني انت ايه القصيدة اولها الحمد لله رحمة يعني الله سبحانه وتعالى ينادي يا عبادي وهذا اشرف اشرف ما ينادى به البشر العبودية لله عبادي نسبهم الى نفسه - [00:22:50](#)

هؤلاء عبادي فهذه بشارة البشارة الثانية اسرفوا مش عملوا معصية بس لا ده تتابعوا وتكاثروا في العصيان وفي الذنوب الاسراف يقول لك فلان ده مدخن شره يعني الصيام ما تسيبوش وتيجي برة نفس الكلام. المعاصي ما بتسيبوش. قاعد ليل ونهار بيعمل هذه المعصية. هذا الرجل - [00:23:13](#)

ينادى بلفظة يا عبادي اصرفوا على انفسهم مش على ربنا سبحانه وتعالى يعني هو الله لن يضره تعالى الله عن ذلك انما هو جنى على نفسه هو الذي ظلم نفسه اعتدى على نفسه اسرف على نفسه - [00:23:47](#)

لا تقنطوا الاشارة الثالثة القنوط من الكبائر. زي شرب خمرة من الكبائر. الزي الزنا ما الكبائر. القنوت من رحمة الله من الكبائر يعني انت يجب ان فريضة وامر ان انت - [00:24:06](#)

تحسن الظن بالله وتؤمن في رحمة ربنا سبحانه وتعالى. مش حاجة كويسة لأ دي ده فريضة. لا تقنطوا من رحمة الله. وبعدين البشارة الرابعة ان الله يغفر ان الله يغفر الذنوب. الذنوب الف ولام معرفة. واكدها الله سبحانه وتعالى ان الله يغفر الذنوب - [00:24:28](#)

وبعدين ربنا اكد بعد كده بشارة خمسة. جميعا عشان ما حدش يقول لك ايه؟ طب ينفع انا مسلا عملت كذا وكذا ربنا ممكن يسامحني هذا سؤال سؤال لا محل له من الاعراب - [00:24:50](#)

ربنا ممكن يسامحني ان الله يغفر الذنوب جميعا وبعدين في الاخر انه هو الغفور صيغة المبالاة اللي احنا قلناها الرحيم الرحيم يرحم عباده اذا استذلهم الشيطان بذنب. اذا سيطر عليهم ضعفهم البشري - [00:25:05](#)

اذا كانت قلة الاعوان عن الخير سببا في سقوطهم في المعصية. يرحمهم يرحم ضعفهم. وصدق ابن القيم حين قال اذا اراد الله بعبد خيرا القاه في ذنب يكسره حاجة فزريعة يعني قول رهيب واحد ربنا عايز به خير - [00:25:32](#)

يقع في معصية المعصية دي تجعل يرجع رجوعا سريعا الى الله سبحانه وتعالى. كبيرة انتباه بس اول ما يقع فيها انتبه. ايه؟ كيف يقع مني هذا الذنب؟ ثم يعود الى الله سبحانه وتعالى. ممكن واحد غيره بقى ايه؟ بيعمل صفائب كتيرة - [00:26:05](#)

تكرر وبعدين يقول لك احنا بنعمل ايه يعني؟ احنا بنعمل ايه؟ وتتكاثر منه الصعائر التي لا يشعر بها. وتغلف قلبه بالران ولا يشعر انه يرتكب جرما كبيرا. ده اللي بيوقع في الكبيرة افضل منه. لان اللي يقع في الكبيرة ده اذا كانت هذه الكبيرة ستهز - [00:26:25](#)

تهزا وتعيده الى رحاب الله وتشعره بهول ما جنى سيكون سيكون هذا بابا للتوبة. انما الثاني اللي قاعد كل يوم ايه؟ بيضيع صلاة الفجر. ومش حاسس انه بيعمل حاجة. هو احنا بنعمل حاجة؟ يا عم ده - [00:26:45](#)

ناس بتعمل بتقع في كذا وكذا وكذا. هذه الاستهانة بالذنب مصيبة. عشان كده احنا بنقول ايه اذا اراد الله بعبد ذنبا القاه الله بعبد خيرا القاه في ذنب يكسره. يكسر قلبه فيرجع الى الله سبحانه وتعالى - [00:27:00](#)

ايه اسباب المغفرة؟ بعض الاعمال كده احنا خدنا اول توصية عملية الدعاء اللي الناس حفظته واللي ما حفزوش هيحفضه ان شاء الله رب العالمين اللهم اني ظلمت نفسي ظلما كثيرا ولا يغفر ظلمي الا انت فاغفر لي مغفرة من عندك وارحمني انك انت الغفور الرحيم. الحديث الثاني بقى بتتكلم عن المغفرة بيقى احنا اول حاجة - [00:27:19](#)

المغفرة او اللي ممكن ربنا يغفر لنا بها ان احنا نقول الدعاء دوت. الثاني الارق الارق بالليل بسبب المغفرة ازاى اروح بالمغفرة حديث في البخاري ومسلم وابن ماجة وابي داود والنسائي الترمذي كتب الستة - [00:27:46](#)

من تعار من الليل فقال لا اله الا الله وحده لا شريك له له الملك وله الحمد وهو على كل شيء قدير. سبحان الله والحمد لله ولا اله الا الله - [00:28:16](#)

الله والله اكبر ولا حول ولا قوة الا بالله ثم قال اللهم اغفر لي غفر له فان دعا استجيب له فان توطأ وصلى قبلت صلاته ايه ده ايه النعيم اللي احنا فيه ده - [00:28:29](#)

ما هذا الخير؟ وما هذا الكرم تعار من الليل تقلد منين؟ جا له ارض. صحي الساعة اتنين يشرب مية. انتم عارفين الاعرابي اللي بيقولوا له يا هل تقوم من الليل؟ قال نعم اقوم اذهب فابول ثم ارجع فانام. ده قيام الليل عند الاعرابي - [00:28:54](#)

طب احنا هنقوم بنعمل ايه؟ واحد قايم بالليل يشرب مية في التلاجة. ابنه على حزه اه بابا عايز مية انا ابني بيصحيه على طول بالليل كده. دي نعمة. ليه وانت قايم تفتكر الحديس ده - [00:29:19](#)

وانت رايح تجيب ميه تقول الدعاء ده لا اله الا الله وحده لا شريك له له الملك وله الحمد وهو على كل شيء قدير سبحان الله والحمد لله ولا اله الا الله والله اكبر ولا حول ولا قوة الا بالله اللهم اغفر لي وتشرب ابنك الماية وتدخل تنام. يغفر - [00:29:42](#)

ايه الدعاء الثاني رمضان مغفرة ده ساعات بيقولك ايه فلان ده مات واستريح ماذا قال النبي صلى الله عليه وسلم في هذا؟ السيدة عائشة رضي الله عنها واحد مات من الصحابة اول ما مات راحت السيدة عائشة قالت لك ايه؟ مات واستراح - [00:30:03](#)

فغضب النبي صلى الله عليه وسلم وقال انما استراح من غفر له مين قال ان هو استريح مين قال انه مستريح؟ واحد متبهدل فقير ومرضان وكحيان ومبتلى بكل الامراض مات يقول الحمد لله يا عم استريح من الهم اللي كان فيه. لا. مش لازم - [00:30:24](#)

قال النبي صلى الله عليه وسلم انما استراح وان غفر له. وما حدش يعرف ربنا غفر له. احنا بندعي له. ونحسن الظن بالله. انما لا نجزي ان هو خلاص دلوقتي في القبر منع او معذب. نستبشر ونرجو له الرحمة مم طيب - [00:30:50](#)

ايه برضك في موضوع المغفرة؟ الكلام اكثر الخطايا تعبنا في الايه؟ في الكلام. تلاقي الناس ايه ان الرجل ليتكلم بالكلمة اخطر حاجة لا يلقي لها بالا يعني كلمة تلقي به في النار ابعد ما بين المشرق والمغرب. قصة صعبة قوي. يعني ما يحتقر من الكلام - [00:31:10](#)

يعطي صاحبه في النار ابعد ما بين المشرق والمغرب وعشان كده ربنا امرنا عن طريق النبي صلى الله عليه وسلم ان احنا نعمل ايه؟ كفارة المجلس. اللي يقعد في مجلس يا اخواننا - [00:31:48](#)

اخر مجلس يقوم قايل ايه اللي احنا نحافز عليها الثالثة. اول حاجة الدعاء ودعاء من تعار من الليل. وتالت حاجة ايه سبحان الله وبحمدك نشهد ان لا اله الا انت نستغفرك ونتوب اليك - [00:32:05](#)

سبحانك اللهم وبحمدك نشهد ان لا اله الا انت نستغفرك ونتوب اليك ليه؟ لذا تكفر ما كان من العبد. ايه كمان؟ صلاة الجمعة. واستماع الخطبة والاعتساف فيها حبيبنا النبي صلى الله عليه وسلم يوم الجمعة ثم اتى الجمعة فصلى ما قدر له ان يصلي ثم انصت الى الخطبة - [00:32:22](#)

ثم صلى مع الامام غفر له ما بينه وبين الجمعة الاخرى وفضل ثلاثة ايام يعني ايه يعني مقدما كده من دلوقتي من الجمعة دي لحد يوم ايه؟ الاثنين. اللي هو فين؟ الاثنين ده - [00:32:44](#)

اللي بعد الجاي يعني هو دا استغفار وقائي. دا ربنا سبحانه وتعالى بيغفر له مقدما. مش بقى مش بنعمل كده عشان ايه وخلص بقى احنا عشر تيام براءة حنظبط بقى ما تقلقوش لأ بس بقول الكلام ده عشان ايه عشان هذه بشارة ايه - [00:33:08](#)

اطلب فيها تغتسل الجمعة وتذهب وما تشخرش في الخطبة تسمع الخطيب مهم قوي الحجة دي وراء العمود كده مستخبيين ينصحوهم على الايه؟ على الاقامة. لا يسمع الخطبة يغتسل. يغفر له عشرة ايام - [00:33:28](#)

مش هخطر عليكم. اخر حاجة بقى سيد الاستغفار. وسيد الاستغفار ده حقيقة لانه اللي بيقوله في ليلة ويموت في حادثة ادخل الجنة على طول يوم الصبح ويموت على طول من قاله حين يصبح - [00:33:50](#)

فمات من يومه دخل الجنة ومن قاله من ليلته فمات من ليلته دخلوا الجنة. يبقى دعاء لماذا لا نحافظ على هذا الدعاء ده بشارة ان اللي هيقوم يدخل الجنة. اللي هيقوله هيدخل الجنة. طب هقوله واشمعنى سيد الاستغفار - [00:34:11](#)

هنشرح بقى ازاى الاستغفار ده حجة حجة مين حافظه؟ حافظه يرفع ايده طيب اللي مش حافظه يدخل على جوجل ويكتب سيد الاستغفار واحفزوا لولادي الحقيقة لو ما ظلمناش من من الدرس ده الا في سيد الاستغفار ان احنا نكون حافزينه وبنقوله مرتين كل يوم يا كفاءة اوي - [00:34:36](#)

لانه بشارة حقيقة يعني ممكن انسان ربنا يغفر له بحاجة واحدة يا جماعة يعني ممكن واحد مسلا يكون بيعمل معاصي كتيرة جدا بس لدرجة عمل واحد بيعمله ويواظب عليه ربنا يغفر له الحديث - [00:35:03](#)

النبي صلى الله عليه وسلم ان رجلا كان لم يفعل شيئا من الخير الا انه كان يداين الناس. ويقول لغلماناه اذا رأيتم رجلا معسرا فانظروه ما كنش بيعمل حاجة غير ان الرجل ببسلف الناس فلوس ويجي - [00:35:16](#)

اما يجي واحد يبقى معسر يقول يا جماعة سامحوه مدوا له فيلم وده امر مهم التسليف يا اخوانا القرض اعلى اجرا من الصدقة اه الواحد هيتصدق النهاردة الاحسن تتصدق ولا يقرض؟ الاحسن ايه - [00:35:36](#)

العقل كده يقول لك ايه؟ الصدقة ما هي طالعة ومش راجعة القلب طالعة وايه؟ لا القرض اعلى من من صدقة قال النبي صلى الله

عليه وسلم في الحديث معنى الحديث - 00:36:02

ان من اقرب مسلما فله بكل يوم الى ان يحل السداد مثله صدقة. واحد مسلا الف جنيه لمدة شهر يبقى اكنك كل يوم بتصدق عليه
بالف جنيه فاذا حل السداد - 00:36:20

وانظر هذا الرجل كان له مثلاه صدقة جه هيسدد اخر الشهر ما سددتش. وانت قلت له طب انت همدك كمان فترة. كل يوم يعدي اكنك
بتتصدق عليه بالفين جنيه كلام آآ كلام جميل. الراجل ده اللي رصنا امبارح في الحديث ما كنش بيعمل حاجة خالص في حياته غير
ان هو كان بينظر المعسر - 00:36:46

فالقى الله تعالى انا اولى بذاك منه. اغفر له. خلاص الملائكة الملائكة امرت ان تسامحه وان تغفو عنه لانه عمل حاجة واحدة انه كان
ينظر للمحسنين فحسب. فانت ممكن ربنا بطاعة واحدة يغفر لك. سيد الاستغفار ده يشوفه اخر النهار - 00:37:18
ايه بقى سيد الاستغفار؟ اللهم انت ربي لا اله الا انت خلقتني وانا عبدك خلقتني وانا عبدك وانا على عهدك ووعدك ما استطعت اعوذ
بك من شر ما صنعت ابوء لك بنعمتك علي وابوء بذنبي فاغفر لي فانه لا يغفر الذنوب الا انت. نشرح - 00:37:40

خلقتني وانا عبدك لانه هو الذي خلق انت تعرف بقى الا له الخلق والامر لانه هو الذي خلق؟ فهو وحده الذي يملك ان يأمر وان ينهى ده
انت ابنك اما بتقعد تصرف عليه وبعدين يعاكسك تقول له ياد انت لحم استفك من خيرى - 00:38:08
انت ناسي انا عملت لك ايه قبل كده؟ تقعد بقى تذكره. وانت ايه كل اللي عملته ايه؟ انت اعطيته من مال الله الذي اعطاك. الله هو
الذي خلقك من العدم - 00:38:35

وقد خلقتك من قبل ولم تكن شيئا. هذه نعمة. ربنا من عدم تعترف بالله بهذه النعمة هذه نعمة خلقتني وانا عبدك عبد العبد لا يحل له
ان يتصرف في مال سيده الا باذنه. لا يحل له ان يفعل الا - 00:38:45
ما يرضى عنه سيده ومنهم هو اشرف عبد عند الله سبحانه وتعالى مين؟ سيدنا محمد صلى الله عليه وسلم. جاب الحديث قال لنا
ايه؟ اكل كما ياكل العبد. واجلس كما يجلس العبد - 00:39:13

يعني ايه؟ يعني تمثل النبي صلى الله عليه وسلم بشرف العبودية حتى في المواضع التي تفتخر فيها النفس البشرية وتتكبر فيها. فتح
مكة يدخل مكة ساجد على فرسه في يوم عرفة ميت الف يجتمعون في صيد واحد - 00:39:30
يحجون مع النبي صلى الله عليه وسلم يدعو الله تعالى على المسكين. يبقى احنا عايزين نقول خلقتني وانا عبدك انا لا اتصرف الا كما
يتصرف العبد باذن سيده طيب وانا على عهدك - 00:39:54

ايه العهد ده للعهد تعاهدت انت عاهدت عاهدت ربنا على حاجة انا مش فاكر افكر انا افكرك بقى واذا اخذ ربك من بني
ادم من ظهورهم ذريتهم واشهدهم على انفسهم ما لست بربكم؟ قالوا بلى امتى - 00:40:12
احنا كنا لسه في ظهر سيدنا ادم ربنا مسح على ضهري واخذ العهد منا ان نعبده ولا نشره به شيئا وقلنا قبل كده عشان كده بنرجع
يوم عرفة في نفس المكان اللي ربنا خلق الواحد فيه من سيدنا ادم في جبل نعمان عشان نتذكر هذا العهد القديم - 00:40:39
وانا لعهدك او العهد اللي احنا مسلا قطعناه في رمضان نيحي في رمضان بقى. يا رب سامحني يا رب. والله ما ارجع يا رب توبة
نصوحة وترجع في العيد ولا بعدها باسبوعين - 00:40:57

ترجع تقول ايه بقى في فساد الاستغفار وانا على عهدك ووعدك وعدي لك بالتوبة وهتقول ايه؟ ما استطعت مش قادر مش قادر
ممكن بقدر استطاعتي بالساعات الشيطان بيغلبني الله سبحانه وتعالى بهذا - 00:41:16
اعوذ بك من شر ما صنعت يعني التجئ احتمي بالله تعالى من ايه؟ من شر المعصية يعني ايه يلتجئ واحتمى؟ هي معصية بتخوف؟
اه بتخوف. المعصية قد تهلك الانسان. فكل - 00:41:36

اخذا بذنبه ممكن معصية واحدة؟ الانسان يعملها ربنا سبحانه وتعالى ايه؟ يغضب عليه بها غضبا شديدا ويطلبه من رحمته مش في
حاجات انه بيعملها بيطلب من رحمة ربنا؟ ايه الطرد من رحمة ربنا ده؟ اللي هو ايه؟ اسمه ايه؟ اللعن. اللعن - 00:41:59
لعن الله اكل الربا وموكله وكاتبه وشاهديه. لعن الله في الخمر عشرة. لعن الله الواصلة والمستوصلة الواشمة والمستوشمة في ناس

ربنا بيلعنهم بيطردهم من رحمته. يبقى المعصية دي ممكن تبقى ايه؟ تبقى تبقى وحش. يفتersh ايمان العبد - [00:42:20](#)

فالواحد يحتمي بالله من هذه المعصية اكنها حاجة هتهاجمه. اعوذ بك يا ربي اعوذ بك. من شر ما صنعت وبعدين ابوء لك بنعمتك

علي اعترف لك بنعمتك علي ابوء المباءة هي - [00:42:45](#)

المكان المستقر ابوء يعني اكنك انت بتعتشرس لربنا سبحانه وتعالى بنعمه عليك دائما طب واحد النهاردة جاله مرض خطير واحد ابنه

مات في حادثة واحد النار قامت في المصنع بتاعه حرقتة ومش مأمن عليه - [00:43:05](#)

يقول سيد الاستغفار ده ويقول فيه ابوء لك بنعمتك علي وابنه لسه قاتله ومصنعه لسه محروق ازاي ازاي؟ ده لسه الكارسة

واقعة فوق نفوخي. اه ابوء لك بنعمتك علي حتى وان كانت فيها مصيبة - [00:43:33](#)

ومحنة لان المؤمن يرى في هذه المحنة خيرا اراده الله به. صبره على هذه المحنة يوفى به اجره في بغير حساب يبقى الانسان حتى

ابوه يعني ايه؟ يعني انا ارى نعمة الله علي في كل احوالي حتى في حال المصيبة. حتى في - [00:43:59](#)

المصيبة. ارى نعمة الله علي حتى في حال المحنة. اراها نعمة من الله عز وجل طيب وابوء بذنبي وبرضك المبقاة دايمًا معترف

بذنوبي حتى لو لسه مصلي الفجر. او صليت قيام - [00:44:21](#)

اقوم مطلع فلوسه كلها لله برضك بعترف بذنوبي لان انا بعمل زنوب معرفهاش اللهم اني اعوذ بك من ان اشرك به شيئا اعلمه.

واستغفرك لما لا اعلمه في حاجات ممكن حاجات انا بعملها ومعرفش ان هي زنوب ممكن يكون انا نيتي دلوقتي في الدرس ان انا

اخلى النية لله سبحانه وتعالى وبعدين يخالطني فيها - [00:44:38](#)

هو النفس والاعجاب بالقول. ابوء لك نعمتك علي وابوء بذنبي. وقالوا في وقالوا قالوا وهذا هو المقامات دي ان الواحد يعترف

بحاجتين في نفس الوقت. بنعم الله عليه كثرتها وتقديره في هذه النعم. اما - [00:45:03](#)

تحس ان ربنا مغررك نعم وانت بتعمل معاصي تشعر بايه تشعر بايه؟ انت قاعد النعم خيرك الينا نازل وشرنا اليك صاعد تحس بايه

ايه النقاط بقى اللي الواحد يصل له اما يشعر بالحاجتين دول - [00:45:23](#)

الحياة ان الله سبحانه وتعالى تستحي من الله سبحانه وتعالى واحد النهاردة آآ جارك خلاص؟ كل يوم تقابله الصبح بذكر كوباية عصير

او يدسم فوق الشك. ابنك ثاني يوم بيلعب كورة قدام العمارة راح طخ الكورة هبطت في - [00:45:47](#)

كسرتة تقول له يا ابني انت سبت الناس كلها وجيت على الرجل الطيب ده مأساة ما هو انت الرجل عمل معك احلى واجب. وبعدين

انت طب احنا مع الله تعالى ولله المثل الاعلى. كل يوم نعم ربنا يحفظك بها ويرسلها اليك وبعدين ده تقابل هذه المعصية ابوء لك

بذكر الله وابوء بذنبي - [00:46:15](#)

فاذا استعاذ من الله سبحانه وتعالى تقول بقى في الحالة دي ايه؟ فاغفر لي. فانه لا يغفر الذنوب الا انت. ربنا بقى اما يقولها على قلبك

وراء هذا الحياء في قلبك - [00:46:39](#)

وتقول له اغفر لي يا رب يغفر لك ذنبك. من قال هذا الدعاء؟ سيد الاستغفار الذي رواه ابن اوس. عن النبي صلى الله عليه وسلم من

قاله حين يصبح فمات من يومه دخل الجنة. ومن قاله حين يمسي فمات من ليلته دخل الجنة - [00:46:49](#)

ايه ده ايه الجمال ده احنا عايزين نحافز على الحاجات دي. نحافظ لانه الاستمرارية يا جماعة هي هي المطلوبة احنا كل ده دخلنا فيه

في ايه؟ في الجلسة بين السجدين ربي اغفر لي ربي اغفر لي ربي اغفر لي بس احنا طلعنا شوية من موضوع الجلسة دي الى معنى

المغفرة. احنا - [00:47:06](#)

نستبشر ان الله سبحانه وتعالى سيغفر ذنوبنا بل ونثق في هذا ليس لحسن عملنا وجميل صنعنا بل لفضل ربنا علينا ورحمته بنا يبقى

احنا نثق في رحمة الله سبحانه وتعالى العواد بالمغفرة ونحن العوادون بالذنوب نسأل الله سبحانه وتعالى ان يتقبل منا ومنكم -

[00:47:30](#)

اللهم اجعلنا من الذين يستمعون القول فيتبعون احسنه اللهم صل على محمد في الاولين. اللهم صل على محمد في كابينين اللهم صلي

على محمد في الملاء الاعلى الى يوم الدين - [00:47:56](#)

اللهم انا عبدك بنو عبيد نواصينا بيدك ماضيا نسألك بكل اسم هو لك سميت به نفسك او في كتابك او علمته احدا من خلقك او استأثرت به في علم الغيب عندك نسألك ان تجعل القرآن العظيم ربي - [00:48:23](#)

بيع قلوبنا ونور صدورنا وذهاب همومنا وجلياء احزاننا اللهم علمنا منه ما جهلنا. ذكرنا منه ما نوصينا. ارزقنا اتنا اجعله امامنا الى الجنة اجعله حجة لنا لا علينا انر به قبورنا. اطلق به السنتنا - [00:49:03](#)

اشرح به صدورنا استعمل به ابداننا. اللهم المسنا بهم اجري ما علينا به النعم اجعلنا به عند الجزاء من الفائزين. اللهم اغفر وارحم انك تعلم ما لا نعلم وانت الاعز الاكرم. اللهم اني ظلمت نفسي - [00:49:43](#)

كثيرا ولا يغفر الذنوب الا انت. فاغفر لي مغفرة وارحمني فاغفر لي مغفرة من عندك وارحمني مغفرة من عندك وارحمني انك الغفور الرحيم. اللهم انت العواد بالمغفرة. ونحن العوادون للذنوب - [00:50:23](#)

اللهم استرنا بسترِكَ الجميل. واجعل تحت الستر ما تحب يا رب عالمي اللهم لو اردت فضيحة لنا ما سترتنا تغفر لنا ذنوب الخلوات وتتابع السيئات ونزول الغفلات اللهم اغفر لنا ما قدمنا وما اخرنا وما اسرنا وما اعلننا - [00:51:03](#)

وما انت تعلم به منا حبب الينا الايمان حبب الينا القرآن الينا الصلاة حبب الينا الدعاء. كره الينا الكفر والفسوق والعصيان من الراشدين اكفنا بحلالك عن حرامك اغننا بفضلك عن سواك ابقنا - [00:51:43](#)

عفوك وحلاوة مغفرتك اذقنا برد عفوك وحلاوة مغفرتك عفوك وحلاوة مغفرتك. اللهم من يغفر ذنوبنا ان لم تغفر فاغفرها من يقبلنا ان لم تقبلنا فاقبلنا من يسترنا ان لم تسترنا فاسترنا. اللهم ردنا من ذنوبنا كيوم ولدتنا امها - [00:52:13](#)

عند صحائف ذنوبنا بيضاء. اللهم لا تصرفنا الا لا ترد دعاءنا بنا لا تجعل ذنوبنا سببا لتأخير دعاءنا. اللهم امين بفضل كلام عدلك ارفع مقتك وغضبك عنا. لا تسلط علينا بذنوبنا من لا - [00:52:53](#)

اخافك ولا يرحمنا. اللهم ثني كرب المكروبين الذين يبتلون في سبيلك. فمن كرب اخوانك اعنا على ارض سوريا كن لهم ناصرا ومعينا ارحم من لا ناصر له منا الهنا انقطعت بنا الاسباب - [00:53:33](#)

اللهم لا عون لـاخواننا الا انت فاعنهم. اللهم من تقوى عليهم بقوته فانا نستقوي عليه بقوتك وعظمتك وجبروتك يا رب العالمين. اللهم اجعل لـاخواننا فرجا قريبا. ونصرا ايمان اللهم نسألك لهم فرجا قريبا ونصرا عاجلا يا - [00:54:03](#)

اكرم الاكرمين اخواننا. اللهم سلاحا اجعل دعاءنا لهم وقاية اجعل دعاءنا انه رحمة اجعل دعاءنا لهم امنا. اللهم عجل لهم من نصر يا رب العالمين. اللهم هذا حالنا لا يخفى عليك وهذا ضعفنا واضح - [00:54:43](#)

بين يديك استلم دعائنا وقبل رجائنا واغفر ذنوبنا واستر عيوبنا ربنا اتنا في الدنيا حسنة وفي الآخرة حسنة وقنا عذاب النار يا محمد وعلى اله وصحبه وسلم. جزاهم الله خيرا. ان شاء الله في مسجد البرهنصلي تهجد اه - [00:55:23](#)

آآ غدا من الساعة الثالثة يعني فجر الجمعة من اراد ان ينال من الاجر فيصبحنا ان شاء الله في هذا المسجد جزاكم الله خيرا. سبحانك اللهم وبحمدك نشهد اشهد ان لا اله الا انت نستغفرك ونتوب اليك. بسم الله الرحمن الرحيم والعصر انسانا في خسر. وتواصوا بالحق وتواصوا بالصبر - [00:55:53](#)

- [00:56:13](#)